

太乙舟詩集

太乙舟詩集卷九

新城陳石士甫著

三男蘭第校刊  
從姪孫夔

喜於彥耿十弟親家處見手錄惜抱軒題跋及論詩  
文各種筆記寫錄副本之餘賦此爲贈

珍重新傳一束書白頭肄業肯忘諸成名此日慙都講請  
益當年媿起予幸以通家聯戚誼喜將副本付鈔胥廻思  
函丈提撕意不習猶厯日省餘

寄懷趙竹溪

寫將離思託賓鴻千里寒雲一望中泥爪漫隨塵夢散心  
期猶有故人同金樽醉罷燈初爇斑管吟殘漏未終一樣

南衙聽官鼓幾時聯轡蔣山東

憶昨青溪打槳遊衣香鬢影共勾留紅芽抽罷銀燈暗白  
紵歌殘玉樹秋客散酒痕沾薄袂月明箏語隱高樓誰知  
杜牧三生恨付與秦淮逝水流

乍拋歡讌唱驪歌楓葉酣霜客裏過歸路不辭繞西越塵  
心空復戀南柯筆花夢錦蹉跎劇席帽青袍感慨多讀罷  
南陔愧遊子衰親已自鬢絲皤

裊裊鞭絲別故鄉來依官閣卸奚囊讀書氣助詩懷健感  
舊心隨客夢長嵩嶽晴雲千里目南朝遺蹟少年場只今  
回首情何限打疊吟箋一寄將

贈湯薇垣

同是西江社裏人，題襟翻借客中身。  
公已占淮陽籍處，士爭傳郭泰巾。  
譚藝趣深知意洽，聯裾日晚倍情親。  
東堂樽酒西窗燭，天爲吾曹證夙因。

入世儒冠百不宜，如君風度信吾師。  
接人自有圓通性，作札還揮絕妙辭。  
他日應題司馬柱，連朝同下董生帷。  
應劉才調鄒枚契，難遣羣兒取次知。

蕭齋細帙冷雲籤，香閣春陰護鏡奩。  
幽夢恰憐羈緒苦，良宵相憶海籌添。  
幾曾作客人千里，無那窺窗月一簾。  
恰喜還家休沐近，不須城鑰放深嚴。

寄友人

絲雨如烟黯不開一庭寒色墮莓苔夢爲昨夜雲將去書

倩遙天雁帶來千佛有名空禮塔

時類遊相國寺

重陽無酒罷登

臺遙知官閣裁詩者覓盡陰何撥盡灰

西園東第總聯裾擲管飛觴興未疎小別乍憐魂夢繞尋  
歡渾憶笑談餘玉簫夜按伊涼曲芸館朝吟宛委書回首  
便成三載事人閒何事不蘧廬

名場一樣困青衫雜感旋生不任芟作賦十年難乞序著  
書一卷例名譏世情豈戀蕉隍鹿生事終歸木柄鏡似爾

才華終遇合底須料理署新衙

時君以納粟得參軍

昨考士龍頻握手爲言仲子最相思定知籬菊成幽賞可  
惜霜螯不共持炙轂喜逢齊贅口尋秋愛讀鄭公詩可能  
來結閒遊伴共向風前倒接離

喜晤徐尙之明府時寓居汴梁

九衢車馬日喧阗小住梁園眼倦開秋氣暗隨微雨至燈  
花喜報故人來宣房好展窮經學宦海空憐作賦才一笑  
相如非病免也從此地接鄒枚

漫憑旅館認巢痕十載聯床記宿因君向鴻泥悲舊雨我

慚彩筆接芳塵

予寓舍乃君向日與  
故人某等題襟舊地

客中袂把題糕節天

上風寒落帽辰誰向長房乞仙術黃囊一繫宰官身

寄懷楊海舫孝廉

朝聯吟案夜彈棋鎮日南衙接履綦每讀詩篇君首肯若  
論年齒我肩隨紅泉碧澗麻姑宅柳浪荷風貞子祠不信  
故鄉疎握手翻從淮潁訂交期

比來肺渴更何如涼入庭楸體自舒文士從來艱遇合秋  
懷於此要拋除筆花漫倚江淹夢腹笥徒誇邊韶書爲報  
兒童賤家法故鄉待爾導經畬

郭小陶作烏夜啼詩甚工筠渾屬與同作適感舊事  
和以寫意而不次韻

雨易瀟瀟霧易昏畢逋舊句怕重論將雛力倦風干樹返

嘯心孤月一邨織錦有人尋斷夢燕檀何處賦招魂啼鵲  
一種傷春意燭剪寒閨夜掩門

和姚鏡塘先生用蘭雪除夕看梅花韻

怕說屠蘇待舉杯老懷漠漠向誰開人間儘有雲屏在仙  
夢難招綺袂來彈指秋魂三月過傷心瓊樹廿年栽詩人  
漫有春盤約不爲西湖首亦回

蘭雪昨有看梅小集之約  
鏡塘有夢到西湖春又來

得葉芸潭觀察同年贈詩有感和韻

中年百事易蹉跎對酒尋花遣興過心與寒泉流比潔書  
如敵壘只空摩侵門雪影盈堦在覽鏡霜痕止鬢多得句



感君勤寄似撥灰媿我覓陰何

同日得筠潭嶰雲介航晴峯書喜成一律

故人各任封圻事望遠頻將離緒牽何意束書登几畔便  
如促膝話燈前皖公山色分袁浦夢得吟懷策祖鞭雕本  
能傳型俗意盼將師說鋟遺編

筠潭寄其訓士化民諸喻  
余昨寄嶰筠札屬其重訂

姚師所  
選經義

寄懷梁山舟先生

占斷西湖六十年風流端不讓逋仙書能名世甯論爵心  
可觀空畧近禪數到別期餘十一

自癸丑至今九歲矣夢尋遠道恰

三千鷄鳴幾度思君子風雨燕臺恩悄然

贈康茂園方伯

石城千里拜旌旗江國東南要主持霖雨爲懷諸部化嚴

霜立節兩朝知春廻黍谷官仍達神護鯨波夢不危

公曾立黃

河中三日驗取平生徵所歷中流砥柱是襟期

我翁領郡江南日身受恩知記獨殊東閣留餐無雜坐南

邦乘傳有專符

公署皖撫旋金陵時特檄取家大人送策交皖江中丞

治惟清淨心

相契境過雲烟感更紆每憶趨庭頌明德淮陽迴首夢千

湖

杪春旌節過西江童孺歡迎竹馬將建業承恩遷化雨洪

都懷澤護甘棠未能扶杖登官閣祇自瞻雲熱辨香省識

高堂傳命意祝公開府到吾鄉

結交漫詔老蒼多未識荊州感若何姑孰傳抄文字稿邢

邱飽聽士民歌

用光曾手抄公製舉業在陳州聞公字懷慶時政跡甚詳

誼存兩世焚

香拜緣在鍾山打槩過小草自來稱遠志經綸緒論願編摩

贈蔡生甫先生

手注丹黃點六經化身擬是戴匡星能從元晦參名理直

與中郎接典型香雨有時飄佛座

先生喜談佛法而能得無上諦與儒家養心寡

欲之旨相發明非徒以淨名經喻口耳也

奇書連歲授立亭

先生連年典鄉試分校今年復派教

習庶吉士百家貫串爭傾耳宋學惟應賤子聽

喜晤張船山前輩

春江一掉放船來，仙吏三山撒手迴磁枕。  
已拋聊說夢，糟邱可築且銜杯。  
畫爲寫意高人筆，詩是登壇大將才。  
天遣遊踪補吳越，湖雲海月爲公開。

峇岑十載傷瀛洲，師友之間刺許投樽酒。  
燕雲成昨夢，芒屨吳苑此扁舟。  
羨君已作抽帆計，愧我方添索米愁。  
談笑兩心相印處，吟懷早晚證盟鷗。

投阿兩窗 林保中丞

玉節牙旗據上游，提封坐嘯皖山秋。  
才多餘地詩嚴律，化助熙朝事借籌。  
永憶甘棠畱故里，公提刑西江時欲至，令令人誦去思。

題佳樹悵前遊青蓮願見荊州興此日甯嫌路阻修

當年檠戟駐西湖爭說風流繼白蘇節鉞榮遷膺帝

命江山重鎮暢

皇圖亭懷逋客仍迴棹山過龍眠乍

倚艫曾讀隨園傳唱句題襟合座許儂無

贈吳山尊前輩

曾讀傳抄幼婦辭青山謝眺鎮相思

用光于姑孰見先生雜文以未握手爲悵

論文待訂千秋業見面翻遲十載期雲暖上林鶯接羽琴

彈清角月侵帷篋中贈扇今猶在投報甯忘雜佩貽

同燕培翁一辨香題襟吟就日三商火雲生處峯巒幻水

牯馴來道味長詩有禪心非佞佛時過庚伏又屢霜同入

昨拜東坡壽待與先生索和章

昨約先生同拜東坡生日而先生未來

贈李潤堂勳伯

四年離緒喜班荆  
儒將風流老更成  
爲撫澤鴻曾請檄  
不煩介馬去團營  
雪前歸楫差差送  
江上寒濤故故平  
談笑先機能弭患  
可知勳伯是書生

寄懷平叔制府

四月君行我後行  
川途前後有同經  
傾襟奚啻僑兼札  
避面翻如尹與邢  
蒼玉洞猶遲坐石

時試事未畢未及往游

中秋節漫

話斟醺文翁教澤堪徵處  
已見諸生筆有靈

汀郡詩甲於他郡殆平叔

作守時餘韻也

閏中元後一日作用義山中元作韻寄嶰雲同年時

嶰筠有錦瑟之悼

少翁仙術可能來鍾阜麻源首共迴馬氏清娛惟夢影周  
家絡秀亦泉臺儘教再舉孟蘭供怕說重逢笑節開我欲  
慰君難自慰秋山紅葉憶良媒

余納席姬席姬之殂皆九月

寄懷李星白太守

太守家風溯謫仙才華不必在詩篇收將簪筆乘驄手來  
結行春問俗緣山郡訟稀雲亦靜江鄉夢好月增妍安能  
碧澗紅泉畔聽取循聲滿耳傳

虛心延訪到鯁生想見慈雲覆物情剪燭不忘連舍語唱

騷應補踏歌聲

使君寓居與余比鄰出都時未及作送行詩今始補寄

牧無害馬羣

知壯泮有懷音木自榮挽取卅年前舊習麻姑山色爲公清

贈張翰山觀簪

憶共離筵把酒卮三年彈指北歸時聞君熊軾初巡郡奉命淮壩又賑饑康濟斯民原素抱商量閩學辱深期樹人樹木閒評量文品殊慚遜荔支

贈唐陶山

麥秀雙歧奏豫州高牙大纛此才猷江南誰占詩人宅嘉樹陰連寓館樓紀事一圖留北薊使君五馬又東甌二千



石有真祥瑞佇聽循聲播海陬

東家荔峯閣學

傳稱胥命美春秋厨顧高風世鮮儔乞米書成人卧病指  
困心在客鳴騶雪鋪冷玉迴晴靄菊綴殘金醒倦眸一笑  
雅宜書借券尙傳題詠話蘇州

寄懷項瀚南同年

好友天涯久別離十年足不到京師豈徒畫手誇前輩便  
與逢人說項斯小戊子慚余老醜守庚申祝汝期頤金精  
山與簣簣谷鎮日吟君便面詩

吳仲倫生日爲五月初十日在蘭溪舟次計至睦州

時當爲舉鰲比至試院始知其誤以後期十日爲  
誕辰也余與先生同歲月日後於先生乃爲延年  
之祝以博同人一笑

敢云同歲便齊名風雨聯床事以兄

同行三郡率多兩日奇夢偶然

逢謝客前身或恐是元英

元英故居在桐廬

關河閱歷心全澹文

字因緣意早傾一笑懸弧誤書日添籌却可頌長生

### 贈琴岩

幾載交情逐漸深籌來身世感難禁課兒代畫尋師策教  
女平分擇壻心後日成名思辟穀眼前佐郡當抽簪飲河  
自笑同鷗鼠尙有貧交欲贈金

大乙升言集 卷九  
歲華紀麗又天中艾虎蒲人照日紅望雨欲分 當宁念  
珥毫慚詔侍臣功蘭闥徵夢宜男喜桂嶺乘輶攬轡雄說  
到消磨身世事六壬占驗畧應同

贈吳仲倫二首

韓歐宗派在龍舒卅載門墻感歲徂媿我只堪儕籍湜慕  
君應可並曾蘇襟期霽月欣初見氣誼同岑喜不孤江左  
以南閩嶺北論文天遣到名都

神交曾溯好林泉初月樓高影接天失學每思同勵學齊  
年都惜過中年剪鐙軟語春風外對酒豪情越舫前從此  
雲龍願相逐加餐各護兩霜顛

甲午仲夏喜林仲騫來訪卽送其歸吳

尺素曾通廿載前  
援鵲心事話前賢  
却因浙水擎舟便  
得迷吳山剪燭緣  
葑蕀賣韓康春在手  
家如原憲室存氈  
白駒無以成維繫  
愧誦周詩小雅篇

龍眠夫子有遺編  
南雅燕臺去幾年  
師友平生多涕淚  
宋元文派共仔肩  
石湖春水舟堪艤  
鄧尉梅花夢亦仙  
何日皋橋成小築  
與君三徑兩周旋

贈袁鶴潭

廷璜

用其贈鄭樵仲韻  
樵仲爲邵子之學

一棹龍江轉曲阿  
西湖來共盼庭柯  
夢迴白下吟紅藥  
路入蒼巖濕翠蛾  
久客生涯勤學少  
舊家風格勝人多  
得朋

刻意論經世喜子能尋安樂窩

船山玉松兩前輩同過太乙舟船山爲畫蘭菊於便面次蘭雪韻題詩並柬

只畫溪簾不畫紗春枝秋葉帶風斜能來細酌消閒酒誰分狂吟得氣花詩謝鉛華同入格人隨天性各成家孤芳信有岑苔契願化雲根託水涯

到門一樣岸巾紗洗硯看成醉墨斜妙悟拈來誰佛偈塵緣消處幾唐花畦荒籬老空千古石瘦雲寒自一家恰喜過從無熱客各將冷淡作生涯

送樂元淑鈞南歸倒用前韻

珞思瓊想覓生涯此筆年來自立家五月客愁醒雀夢十  
年詩興笑蒲花鄉園樽酒雲同遠車馬關河日易斜較勝  
當年王相處題襟佳咏早籠紗

寄梧門學士疊前韻

詩草經年護壁紗論文每共角巾斜尋親約戴橋邊酒病  
暑心憐雨後花人到有情能作佛身無多累肯浮家名山  
業許中年就歸去吾生信有涯

寄懷王鎮夫疊前韻

冷官何處認烏紗巾墊揚州雨後斜塵世才名輸帶草故  
人詩夢約瓊花風沙欲斷天邊雁圖史仍携客裏家更喜

何郎今作郡昨傳佳句到天涯

時得何藹士詩札

詣鍾山見洪稚存前輩既至乃知傳者誤也復綴二

詩代柬託鍊夫代寄

一江秋水一林燈烟外吟聲入秣陵三雅圖書成後約六  
朝樓閣忽孤凭詩吟擬體空爲介集借他年久服膺一笑  
傳聞渾易誤千秋著錄更何憑

王趙于公爲老輩龍門未御更添公

王蘭泉侍郎趙鳳北前輩予皆未之見

商量所學孤前夢吹斷南雲又朔風遊客情生千里外古  
人心在一編中得知近著箋盲左抄錄猶思託便鴻

束謝向亭

同抱霜葵一片心秋聲忽向井梧沉  
摧玓作階前舞傾日猶堪亭畔尋  
未許譚禪叅上乘從來讀史愛虞箴  
笑余禿盡文通筆廬後王前愧不禁

喜得袁峴岡同年書却寄

緘書來自三千里判袂何堪十五年  
驥子欣聞文選熟豚兒難得厲人憐  
支持門戶惟霜鬢料量心情只墓田  
先君尚未  
卜得吉兆歎我擢官離鄉國羨君養疾徇林泉

進學解無韓子筆廬山高乏歐公詩  
晉階自慰故人意稱職難酬清夜思  
六十行年健眠食一編終日盟心期  
陳無已慚江右派袁伯業真吾輩師



喜晤嚴樂園觀簪如煜

天星鬼界路幽深結伴書生掉臂尋  
熏鼠細陳團練法墮  
鷺不作武溪吟湖湘水暖波如鏡秦蜀山高樹似簪米賊

犵苗籌辦了幾篇圖誌當虞箴

君作苗防備覽三省  
山內土俗雜誌皆佳

離思迢迢驛路賒却從京國話天涯  
秦雲夢墮梁閒月燕  
樹秋開苑外花用世心憐霜點髮進階官盼雨隨車勲名  
努力追前哲史筆平生不浪誇

寄姚七根重

裙屐翩翩一少年衆中才氣正孤騫  
酒傾豪客千金座詩  
寫雛姬五色箋舊夢忽驚鴻爪過離懷難倚柘枝顛何當

共握燕臺臂看汝題名雁塔邊

荏苒韶光歲幾除年年心事付蟬魚難膺簪組傷才薄未  
報恩知愧學疎雜感乍消春酒後高情猶屬晚風初知君  
念我年來劇爲報楊雄嬾著書

夜起偶憶蔣藕船來太平署中勗余詩有就枕爲憐  
奴子倦掩書纔覺燭花停之句感成一律

就枕爲憐奴子倦故人此語每尋思何當老去渾無寐忽  
向秋來漫與詩焮掌少年葱肆少聞雞心事藥燈知楚咻  
齊傳難商畧舊族如何度起衰

喜得沈狎鷗詩札却寄

太乙舟詩集

卷九

十三

短簿祠前話京國離懷又過四年餘傳經席還書初到用  
世心長學愧疎大戶自宜京口酒成言未寄旋贏車狎鷗  
衡作贏旋車以漑田勝於水車余嘗乞其製以見寄平生不解弧三角責子詩空厲  
祝如

寄鄭灌甫司馬次介坪太常同年韻

到眼停雲密復疎別君又是兩年餘太常齋罷初酬句澎

島春深昨寄書海接津門人宛在

灌甫與介坪廿年前同客津門月明鍾

阜夢何如平生風誼敦師友有客今悲下澤車

謬然根仲

唐官到處罷要盟

番人呼漢高唐人

生熟番人意早傾倭郡初臨

東吉嶼分符同領赤嵌城風恬氣毋無迴鑿波靜天吳不

舞鯨早晚寒帷邀內擢待持班管紀循聲

秋夜讀尙綱堂集柬芙初

晚雲似墨一層層雲罅冰輪露幾稜暑氣入秋還釀雨風  
聲隔院欲飄燈涼宵散帙空多感步履衝泥却未能借箸  
無緣惟覓句對人媿說一條冰

寄懷楊蓉裳農部

芳燦

琴歌酒賦悵離羣客路迢迢客思紛士有才多誰敵爾詩  
因吟苦總思君暝烟晚渡西峯月晨靄朝橫北嶺雲不道  
連宵酬軟語夢中吳詠袂重分

次韻和費星橋方伯北  
觀途次保陽旋奉卽往楚

北之命寄懷都中知好之作

粵西新命拜旬宣旌旆俄看薊北旋千里褰帷從問俗

五雲迴夢自朝天隆中高士聞留宅漢上耆儒孰比肩

余嘗屬公訪求較量刊行鄉里意公觀督粵東時校刻有

朱漢上易傳才儘得受公憐

經世何當結古歡世無徐樂與嚴安書生借箸譚原易大

吏宣風效每難何術烹鮮兼製錦漫思奇服更高冠外臺

閱歷公應熟願飫蘭言當授餐

晴後和賓谷前輩連宵大雨曉起之作原韻

到眼均堂有芥舟詎堪擊楫赴中流地卑易濕愁無已瀾

倒難迴慮豈休斜日穿簾光乍映暗雲結樹景偏幽人間  
晴時安能定努力隨緣與賞秋

聞李鳳岡太守抱病旋愈訊之

一官脫屣意何輕萬卷圍身老有情坐對青山忘世事心

從白業得長生

君家有見山臺可望西山君深佛理昨來偶示維摩疾覓句

頻邀季重評

君作詩數就

聽說編成聞見錄頗能不取世

間名

君著目錄極有懸解

贈家小雲別駕

當年未面誦君詩韓范襟期有遠期涉世果看才歷練揮  
毫更覺語幽奇漢官別駕膺清選唐代騷壇首拾遺宦績

門風兩輝映聽騰驥足慰霜髭

次韻答家小雲別駕招遊法源寺看海棠

隔歲巢痕夢未忘

小雲初寓法源寺與同人有今春看花之約

破禪花氣認雲

堂遊梁刻意尋著舊

戴金煥飽覺生顧晴芬諸君小雲向皆未晤

補襖新吟索

和章護世城知多願力衆香國歎少周防封姨肯受瞿曇

約

是日無風錦障全拋也不妨

贈陳貞白大令醇

宦海挽舟仍浦潑名場建壘早旌旗未知文果工何體滿  
聽民爭助所資劉會稽終膺內擢尹河南合朔傳支后山  
一例門風託香辦恹孤子固師

初披襟不啻班荆十載前頭早締盟太乙舟小齋難從挽

袂歸來堂君將構而名之合待題名不妨鴻爪尋他日只恐霜顛

負短檠憑語東昌賢太守寄書何以勗平生謂介茲前輩

次平叔填榜日有作見示韻

詩壇宦海感華顛澹定心游自在天落帽風初高會戢延

年花恰晚秋妍劬書士盼名流出任事才誰主敬先三載

傾襟難判袂離懷惆悵泊裝前

和蓉裳早春遣興詩五首

鳳城宮闕鬱中天元日春光百事妍雪曉影含鴛瓦淥雲

晴光護玉樓鮮簪來綵勝憑占喜欽到屠蘇已讓先鳩鵲



觀前湖海夢媿無佳句答流年

記向家園倒玉卮一年春事重花時語聽鸚母携佳客  
幘約封姨訂小詩鵬勝翠遙知蝶散浮波紅近借雲移何當  
裙屐聯吟處瀛館簪毫有夢思

超庭昨歲客淮揚修禊蘇亭事未忘春到中原遲柳色舟  
穿叢葦破湖光三生鷁爪從留印此日龍華記舉觴併入  
新年成遠想烟波十頃夢他鄉

江南曾是題襟地玉管金樽記昔遊詩夢客聯三雅袂水  
嬉人泛六朝秋誰緣芍藥生春思我替芙蓉起暮愁讀罷  
新詞倍惆悵他年雋賞會須酬

江關詞賦草萊身載筆深慚侍從臣  
君爲蓴菜憶邱壑我因春酒念昏晨  
鷗盟跡與浮家遠雲卧心絲愛日真  
已約東風護花竹采蘭堂畔佇歸輪

次鄭竹礪樞判見贈韻卽以送行

異言到眼總疑眸老去陰添失學愁  
佳客偶然來海國虛聲何意訪瀛洲  
鏡中鬚髮人蕭爽夢裏雲山路阻脩  
惜別不辭重疊語歸鞍臨發尙遲留

又贈高麗四進士

春風有約駐征鞍  
殿市西頭覓古歡  
遲爾不來緣病臂  
把箋相憶幾憑欄  
圖成空客題襟易  
夢隔雲山判袂難  
贈取

成連琴一曲相思憑向海東彈

李晚菴

交緣傾蓋便相親敢謂文章意氣真  
話到百年同過客情知一面有前因  
持杯莫負春如許折柳深憐綠未勻  
夢向孝廉船上座蓬窗萬卷總圍身

李無適翁

生年同歲尋常事抗手欣逢海外人  
萬里來隨賓雁使一杯相屬帝城春  
交無異地惟師古學可經時各愛身  
隨分山林與簪組莫教孤負此星辰

徐鍾園進士

謝家兄弟好風標隸事爭看百六饒  
積學君如袁豹富清談我媿阿龍超  
九能奉使才無忝三雅題襟跡屢邀  
誰道流傳朱陸辨狂瀾能障海東湖

南園進士

雨中魯琴村孝廉 經文 招飲湖邊道院

虛堂領取一庭秋，今雨還爲舊雨留。  
遙夜樽前詩興好，澹烟燈外畫情幽。  
樓臺掩映人遲到，島嶼滌迴地昨修。  
惆悵江天空濶，眼不曾佳處快新遊。  
湖爲新修，布置畧仿西湖。日暮不及遍遊。

白香山先生生日莊芝階汪小米兩舍人復招與蔣伯生大令松如安伯兩茂才同集

平生知足悟浮休，頗與先生意氣投。  
一瓣香緣生日熟，七分花約聖湖遊。  
梅花開過半矣。勝公自喜身無疾，邀客深憐屋似

舟六十八年觀宿命，頗因詩債有勾留。  
祠旁臨水有屋如舟，穀人祭酒題匾。

日一半勾畱兩舍人招客餞餘於此烟景幽曠而屋已傾  
欹矣樂天六十八歲有病中詩十五首我亦定中觀宿命  
多生債負是歌  
詩病中自解句

葉芸潭 紹本 同年招爲第二集

親串交緣文字密京朝官得酒樽閒貌豐恰稱詩瓌麗主  
雅能勤客往還秋色滿庭烟欲醉花痕映燭影同殷夜深  
菊夢誰尋去覓句知君句屢刪

汪浣雲儀曹招爲第五集

瘦玉泠泠指乍停虛堂槩韻裊爐熏新聲想見綺窗好古  
調惟應前輩聞按譜君能歌白雪看山我亦憶春雲酒闌  
喚醒揚州夢秋月紅橋有幾分

浣雲於座中鼓琴並出其  
填詞看山彈槩三圖索題

說有句云綺窗人與梁俱瘦蓋為其侍人傅姬作也故戲謂之余春杪在揚州聽琴有朝中措詞一闕

### 法梧門前輩招集掃葉亭

折柬何殊特授餐洗塵雅集此盤桓詩工和韻搜新句畫  
許題名結古歡時命題名於詩龕中中歲勞生投宦局故  
園幽夢憶江干消除雜感惟劬學校誤還同掃葉觀

辛卯除夕前一日梁苴隣方伯朱蘭友宮贊吳棣華

同年蘇鰲石觀磐同集平政堂為余作錢方伯先

### 成二詩次韻留別

扁舟小泊水雲鄉詩夢初迴宣武坊從宦幾人儒術展救  
災一路頌聲長桂林前輩心堪溯湘帙名言錄肯忘荻林刻古

格言一書  
體用皆備

激濁揚清平政事

平政堂桂林  
相國題匾

商量春旭與秋

霜

昨聞列校有嚴追攻烏焚巢訊所之穎守誰等次公傳柏  
臺且頌白圭詩事殊熏穴休誇武計仿媒國合趁時幸與  
諸公同臭味卮言自笑叟支離

十月三十日海谷前輩招遊西禪寺仲冬二日芝庭  
將軍麗泉中丞偕詩塘方伯平華廉訪綺園觀察  
海谷前輩暨各僚友請同集小西湖爲小軒夫子  
洗塵爲用光祖錢賦長句一首畱別諸君

補向西禪訪荔支冬心來訂歲寒期三年交誼分矜日雙

樹唐花入夢時

寺中後園兩荔支相傳唐時樹讀畫無如燕寺好畫普門

中大士現身說法諸像蹊徑殊陋不作亭得傍嶺松宜

如京師法源寺有傳雲指畫之雅南屏行艤蘇堤櫂一種

湖山待贈詩

鹿耕先生招同石月亭前輩龔西園太守王梅亭劉

蘭園大令過法源寺素食余後至

佳客招邀古寺西堂開歡喜堂話移時禪心可証誰持偈

機事能拋自掩棋倚樹馬嘶金勒滿時有貴客先至催花風禁海

棠遲笑余未享伊蒲饌飯後闍黎且索詩

徐芷軒招集湖樓看桂歸而黃心庵索去年如來閣



看紅葉詩稿已失去重作二律以答心庵兼柬芷軒

彈指年華逝水流莫秋景物換新秋霜楓照客吟何處叢  
桂招人又此樓佛法世緣等昨夢湖光山色信虛舟殷勤  
詩老開橫幅分韻還將舊句搜

小艇橫江拆急流隨風步履去尋秋他年天末誰題句昨  
歲湖邊未有樓入夢青山畱佛界照人紅葉送歸舟小詩  
詎當籠紗意舊詠無煩蓋篋搜

朱蘭實約遊金氏園姚蘭展姚伯昂徐星伯約遊海  
淀俱不果用前韻各寄一首

古壁凝塵黯舊紗春遊吟到日西斜詩緣勝地空尋夢  
事連朝竟負花碧樹涼生名士酒白雲清到野人家未能  
坐石看垂釣翰輿閒鷗占水涯

招涼不敢卷窗紗病眼觀書枕易斜西苑水雲生午夢上

林風日護新花就吟頗苦詩千派述古還搜易九家

時校周易

注終約元亨同問字師門經訓有津涯

耆介春宗伯屬題所書 睿親王答史閣部書卷子

義旗所指若摧枯轉惜孤臣志願孤一紙書如諭南粵千  
尋鎖漫學東吳甚宏心事襟花識羊祜功名木柿輪 國  
史編餘傳副墨願將萬本栽林藁

錢南園侍御與萬荔村方伯尺牘方伯嗣君本齡裝

潢成卷屬題

此是昆明第一人 先皇知遇故超倫卽看扶石鋒藏穎

想見彈蕉筆存神立雪幾回思老輩

侍御亦出姬傳夫子門

避驄後

死愧前塵題詩併灑元亭淚藏墨渾憐守器身

題船山集

棧雲峽雨破空來一卷蒼茫黯不開奇氣欲掣碧鯨浪深

情且付紅螺杯解齊物我何妨醉能聽箴規轉是才

集中如交

緣筆墨情猶淺聽到箴規意始真及低頭讀我作名士

誰

不如巽言策我爲君子等句尤爲用光所嘆服不置

信情狂嵇阮似更饒名理句中該

題戴子貞所得蘇齋雲龍山詩畫幀子

妙墨重看錦軸開  
寶蘇室換寶蘇齋  
白公崔喜歸裴令徐  
郡雲疑蔭謝階  
一幅新箋摹石鉞  
余嘗摹蘇齋石鉞作詩箋  
平生清夢落江淮  
師門懷古纏綿意  
綠野堂前眼重揩

潘芝軒前輩禮闈唱和詩卷

疇人占彩煥  
文昌壽宇臚歡頌  
帝鄉唐述同年誇李  
韓宋稱主試得歐陽傳衣位  
業詩能紀名宦襟期語亦詳  
分校諸君多錄宋名臣言行  
莫謂鴻泥容易認  
他年寶此等琳琅

題劉筠圃同年詩集用雙五前輩韻

好友無多此數家  
各拈筠管寫烟霞  
夢中前輩分來錦  
雙謂

五先壁上同年籠就紗余與晴芬筠園介坪互以所贈詩粘壁間乳水自宜樊

口酒筍茸誰乞雪堂茶新詩清絕同風味妙得江山助筆

花

隨州詩律本名家一卷晴生艷艷霞海氣暈金浮拱繡筠園

奉融命祭告南嶽南海於祠有賜谷金暈浮句藤陰篩玉映窗紗客懷評泊東

坡荔筠園食荔支詩云坡仙食荔支四月十一日我食此頗珠較公後五日歸興商量陸羽

茶筠園題晴芬水竹柴門圖一事輸君名集好題齋只合

借鄰花君以三藤名齋余以借藤名齋

題家芝楣方伯東坡生日圖詩卷

鶴南飛曲奏西湖玉局仙人許濫竽乍喜名區尋舊夢却

漸文戰作詩逋棠瞻蔽芾猶思召亭詠滄浪亦姓蘇吳越  
山川歸管領吾宗才調應時須

比歲噉鴻澤國仍拊循心力瘁能勝武林路近難聯袂茂

苑書來每服膺議助侯臨築慈浦

見東坡乞開石門河狀浙西近築海塘議取石

於洞情參元結賦春陵浙西秋穫今年好爲問江南稔可  
稱

辛卯嘉平月佛誕日余自閩過杭州芝楣留余作東

坡生日余以趨朝期殫未能從也壬辰春芝楣以

和坡翁孤山韻數詩見寄索和癸巳春仲余奉命

視浙學過蘇芝楣面徵余作及甲午秋七月乃成此

二律卷中七古多佳作余不敢與鬥力姑爲閒道兵  
藉以解嘲老而學遲遲始報命殊可哂也

題芷鄰遊西山卷

松隱寒清水感波重陽行脚此巖阿  
鳳城秋色連山淨蓮界詩情餉客多  
佳句定邀龔勝和歸心爭奈顧榮何  
笑予不作陳驚坐惆悵山靈掩薜蘿

爲翁星源題其高麗人申某詩冊

樂天聲價雞林重詩到髯翁似樂天  
洲上圖吟秋史句齋名亦海東傳  
辨香宗派知尊宿返息神游自大千  
此日題襟佳話在他年成集有斜川

李春湖家園娛稚圖

家園身向長安住春到蕭齋靜綠苔夢裏烟蘿憑畫識花  
前兒女閨詩來退朝自切循陔慕修史難誇作宦才我亦  
三年疎定省每因娛稚首重廻

青燈課兒圖爲王霞九觀簪作

詞臣諫職望愔愔督學風裁誦至今從宦未常忘母訓晉  
階恒此勵官箴青燈有味兒時夢白髮盈顛老去心五十  
八年前課讀因君我亦淚沾襟用光九歲失恃七八歲時  
先太夫人課讀極嚴失恃  
後先資政府君爲繪荷亭課讀圖錢辛楣先生題圖有  
見陳三猶少年時癸丑歲也今四十年而用光亦六十六  
矣



題韓樹屏前輩三百三十有三士亭圖

友清軒後一弓池佳士森森立  
在斯玉德無忘磨錯意亭

階想見拜登時南閩使者自懷古  
西蜀中丞今索詩省識

課符家法在膝前把卷有瓊枝

亭爲朱竹君督閩學時所建詳見樹屏自記中國爲

自閩中學使旋所作寫公子讀書於膝前

閩中文學向稱盛顧三十餘年以來不迨竹君先生

時風格矣予忝接後塵雖諄諄以績學勵品誨士

而每歎以言感人未能得一奇才異能與商舊學

頃潢治三百三十有三士亭圖爲題長句一首以

志余媿云

一亭環石署西偏選地看山溯昔賢竹影捎雲空際合  
先定月夜深圖論文易愜登臨興得士難成麗澤緣歎息  
異人留往躅異書空貯好林泉

題沈鉛原少詹郊居圖

中田余里名我亦夢江村十頃荷花欲護門通德里辭先世

宅善和坊賦寓公園豈無嘉樹迎風影難得清流帶月痕  
余買宅都下頗具竹木之勝但少池耳石瘦水清入圖畫卅年心迹就君論

題秋堂聽雨圖

詩人例有等秋興簪盞東華軼事傳一老漫陳移竈議歸  
山仍結聖湖緣畫圖持贈來今雨封事爭觀起後賢謂青士黃

太乙舟詩集

卷九

三

門經濟襟期文酒會試從廊廟溯林泉

題水木清華之館圖爲潘白薌作

城南難得幽棲地圖取家園好卧遊茶半携棊宜結夏酒  
邊喝月稱吟秋從來久客多鄉思何處閒身快目謀碧樹  
成帷波似鏡年時三徑過羊求

君家別館未曾到憶子山齋共讀時雨浥花痕紅閃閃月  
涼波影碧差差本師家法更相授同輩狂歌靡不爲賭向  
塍邊腰腳健二分垂足詔兒嬉

皆紀西谷石竹  
山房舊遊事

十年老大到春明前後街爲比舍生薇省共誇門壻好詩  
懷同語故園清因緣隨世多家累親串關心得宦成我爲

譚郎憐喻子一天風雪客東平

子受東白皆才俊子受得官西蜀而東白方作記室

於東平眷懷親故連類及之

題李墨莊前輩歸槎圖用希祖韻

壯懷誰與尋詩夢認取

天王使節來

事見先生使琉球記

姑米總

傳名宿到神魚穩護客槎回日光紅擁亭邊騎雲影青分海外臺平壓鯨波祇孤坐空無倚傍見公才

題退齋前輩焚香圖卽以留別

居然輿衛有烟霏

山谷詩烟霏作輿衛

意境恬於獨立時文思自隨

香縹緲世緣還借佛支持能空萬念應無我欲證三生更

覓誰儂作文殊來問疾要看花雨下書帷

時退叅抱疾未愈

比鄰晨夕數過從  
脂轄憐余別遽匆  
交密原知同臭味  
累多誰竟破虛空  
雲生遠嶂疑飄絮  
香散虛堂歎轉蓬  
省試相期精進法  
聞思悟在寶熏中

題伊墨卿太守晚梅圖遺照應少沂世兄屬

東華摻袂各中年  
覓句圖成未識前  
紅雪照簷增曉晚  
白頭讀畫幸蹢躅  
虎林驥子舟同倚  
珂理星軺夢已遷  
昨向平山堂下過  
只餘雲水尙澄鮮

題梅窗觀弈圖

剪燭論文願已償  
上公餘事此平章  
玉梅消息澗簾畔  
碧落心思棊几旁  
成算要當分去取  
先機聊可悟行藏  
局中

局外乘幽興賓主都能巧拙忘

紅雪周遭點綴成情情靜趣坐中生琴閒撫處客忘倦局

異彈時心自平

公是日撫琴一操與客言劇棋非彈棋局李義山詩非誇奕也

回首湖山

話鴻爪對公圖畫憶侯鯖碧鸞尾影梅花外夢聽丁丁落

子聲

### 題魏母治績課兒圖

盼兒能作亢宗人課讀當年意苦辛  
坏土乍歸南海月畫圖重泣北堂春  
生無望族丸熊味夢有慈帷辟苧身  
想得短檠燈照處淚痕絲影記猶真

### 題荔峯同年瓊海揚帆圖

牙璋小隊出瓊臺認取畿南使節來

君由直隸學使移督粵東

帝倚

禁中得頗牧天教海外識鄒枚名流入網人倫鑒

君典試粵東時

得張海珊岳松

侃論籌邊經濟才若任封圻宣教化詞臣豈獨詡

蓬萊

意氣平於閱歷深紫薇紅藥助清吟拋除磨蝎身宮感參

取成連海上心一幅圖開瓊島月十年夢落晉陽岑

此圖先失

去君督山右學時王太守志灑得以還君晉陽亦有星輶詠何不荆關覓嗣音

題王竹嶼白雲迴望圖

宅兆營成旋去鄉因君感我痛尤長青島有術言多惟生

瘡雖存徑就荒

先君嘗營生墳於鹿源葉養後伯兄以術首言棄之至今尙痛未能成葬也

入

夢故山仍繞碧何年上塚與焚黃雨中題罷增悵惻天助  
陰雲翳日光

題朱芝圃桓自求多福圖

心要常存腔子裏書生隱語借瞿曇色身偶向蒲團認真  
性能從宦海參調象何人誇定力帶牛今日笑迂談慈雲  
一朶留閩嶠我欲移之燕趙南

送黃初甫太史副試浙中

一枝彩筆下丹霄星使羣看絳節遙驛路蟬聲鍾阜月海  
門秋色廣陵潮西泠支派風猶古東觀神仙氣不驕想得  
矜持珊瑚網處掄才也費燭三條



初日年華冠玉姿螭坳簪筆稱風儀常傾雅度波千頃得  
共論文酒一卮蕭寺雨花秋結社蘭堂冠蓋夜彈棋故鄉  
鴻爪天街轡併作燕臺別後思

驪歌聲唱暮雲天遠望因君意一傳薊北新驪憐客少江

東諸老自情牽經神苦憶鄭高密謂惜抱師腹笥常懷邊孝先

謂莘相淵如諸君路出金閨過白下歸舟一爲問諸賢

入世情懷詎有涯窮經祇愧未名家鄉心環拓三更月旅  
思槐黃一樹花此日可能逢伯樂他年曾悔讀南華專門  
業是平生志肯向招提笑壁紗

送魯南晚給諫南歸

營葬身隨退鷁飛  
皇恩深處諫臣歸  
舟移潞水輕如葉  
雲入鄴山翠作圍  
講席幾人尊老宿  
壯懷此日遂初衣  
春明尙有觴稜夢  
肯爲鱸魚戀釣磯

廿載京華盛德傳  
八厨風義接前賢  
授餐每共槐淘飯  
贖女還分鴈俸錢  
萬萬有根皆受庇  
義漿獲玉會成緣  
底須更作商瞿感  
竚看佳兒繞膝前

歸去鄉園感昔遊  
孰從前輩見風流  
眼中事事空千古  
舌底人人到十洲  
欲返澆漓成渾樸  
好携少雋勵清修  
我翁正少同心侶  
剪燭西窗得唱酬

鯁生五載得追隨  
入世深慚遠到期  
急病囊傾千里贐  
論

太乙舟詩集

卷九

三

文酒引十分卮外家恩誼疎猶戚老輩襟期別更思水驛  
迢遙年荏苒如何甯耐此分離

送鮑覺生前輩偕從子希祖典試河南

籍甚聲華冠石渠交期早訂閉門初千秋意氣才人筆七  
月星河使者車仙館圖書開魯直梁園冠蓋重相如自  
天賜與同師誼附傳韓非比詎疎

玉節同持下九閭吾宗宗子有輝光敢云交誼如陳紀政  
喜名家倚鮑防歸路關河秋九月瑣闥丹墨日三商中州  
文獻猶堪採珊瑚憑君一取將

送蔡生甫先生乞假將南歸

夢入西湖把釣船  
朝衫乍脫興超然  
平生自證三摩地  
故壘曾無二頃田  
脂轄尙遲因戀闕  
壓裝偏重載陳編  
拈花迦葉容參悟  
文字猶堪話夙緣

重過隨園

林泉無恙護蒼山  
竹徑筠廊步步看  
高閣幾層雲過熟  
晚烟一樹鶴歸寒  
人天有客悲花雨  
圖畫憑誰說宰官

真來于齋

中設先生四十歲像  
插架丹黃多手澤  
憐他仙蠹已飛殘  
真來護祝遺書甚勤  
云巧偷者已不少矣

萬卷殷勤護視中  
郎君雅尙故能崇  
陔蘭旨蓄猶尊嫡  
巖電清臚畧似翁  
自有雲烟藏宰樹  
何曾林壑換秋風  
人間

調語知何限累我更番問未終

送袁大蘭村

通

出都兼索其續刻倉山遺集及隨園

隨筆紅豆山人集

看到離亭柳未絲鄉心拚與惜交期何當北馬南船句吟  
過鶯飛草長時久客情深題袂遍空囊詩重壓裝遲就中  
我更難爲別纔作比鄰已唱驪

君家亭館澹秋烟曾與題詩別阿連鴻爪留痕憐歲換草  
堂紀夢較春先索書原重文章業題袂重添翰墨緣此去  
主人交誼古淮南佳詠聽流傳

謂賓谷前輩

送鍊船同年歸浙

卅年宦況倦飛騰詩律矜嚴祖少陵眼底一官如脫屣意  
中千古有傳燈船憑泛棹歸原好柳未成絲折可能笑我  
坐舟名太乙漢書一卷熟何曾

題襟兄弟隔城居詩酒尋常迹易疎離緒忽生千里外交  
情況是十年餘幸緣脂轄期猶早得遣班荆意暫舒鄰寺  
海棠紅照眼且來謀醉一聯裾

送謝香泉前輩典試秦中

鶉野龍山擁傳行謝公人仰舊聲名籠街驄馬秦關識入  
網珊瑚陸海生學可經時風骨峻才能論古別裁精韓蘇  
文筆誰提唱此日期公作主盟

太乙舟詩集卷九

三

春明幾載共銜杯  
放意論文愧不才  
所喜題襟得耆舊  
敢云彩筆接鄒枚  
詩吟華岳看新草  
酒貰天街撥舊醅  
不分江亭辭餞別  
遲公歸詠早冬梅

送沈俠侯學博南歸

四元玉鑑元人作  
昭代榜

定九錢莘楣

未見之能以心思

窮奧窔別成義疏  
樹旌麾扁舟一棹歸  
陽羨學舍諸生受  
渾儀著錄自憐吾老矣  
漢儒空解重經師

送王鶴汀歸渭南

雲倦爲霖鳥倦飛  
秋風思掩故園扉  
戀恩還遣行期緩

求友應徵贈句歸  
元象山尊家處士

苻秦時隴西王處士隱於此山世稱其有

與明光原對縣斜暉年來諫草都焚却去覓莊生杜德機  
幾處青陽認寄廬慈恩兄弟話連裾可堪落落晨星後又  
折蕭蕭驛柳初再起會欣重握手此心原不比懸車昨朝  
淚墮山陽笛時王鄰川給諫周鑑堂鴻少知子情非戀索  
先後委化君昨語及爲茲然

居  
監屯唐導白渠流金氏陂徵漢稅侯歸里爲言明詔切  
盛朝合見土功修從知天許人勤力安得官如民自謀  
笑我書生習陳語煩君指掌慰諮譚

送顧南雅同年薙乞病南歸

秋風客思傷江湖移疾書投便首塗潭柘畫情隨棹遠昨君



遊西滄浪詩夢倚亭孤三摩位業生天易君精一鬱功名  
得味無猶爲岑苔增別緒還朝待賦鳳將雛

送宋芷灣前輩出守滇南

羅浮雲化點蒼霖迴首花磚戀舊陰自古文章稱小技看  
君經術展初心馴鳩渡虎從徵頌鳳泊鸞飄底費吟一丈  
車褒音日春明鴻爪好重尋

褰帷詩換早朝章萬里滇南有急裝淑女辭家成命婦真  
仙度世有奇方綠蒲貯益應留夢紅杏編詩自裏香可爲  
難消梁月感判襟先與却離觴

時約芸潭作餞而芷灣却之

題秋江歸櫂圖送韓樹屏前輩乞假歸觀次蘭雪韻

一江秋影碧連天  
淄淄鄉雲緩緩船  
綵服去爲慈母壽  
冠來望諫官賢  
簪臺誰有  
名山志  
閉戶難謀下  
撰田我別  
家園今數載  
紅泉碧澗夢年年

送潘芸閣

十年秘閣共襟期  
韓孟雲龍信有之  
西苑連鑣趨北闕  
周廬餐蕊憶將離  
勝情話舊誰重續  
畏友如君我所思  
未得更浮花下酒  
欲約君過寓壘小酌話別君以治裝未暇就秣陵芳訊盼花時

送潘芸閣之南河

琴高溪畔有仙才  
天語新承獎拔來  
騎省名初傳兩賦  
芸閣兩次大考皆擢一等  
季馴望自列三台  
起家官職江東好  
用世心

情海內推更喜板輿迎養處里門近接兩花臺

送屠木齋同年還肇慶二首

端州文學近何如國子先生領郡初千里使船猶遠借

護送進羅貢使來都四門教法豈全疎黃金臺乍來今雨石空山應

有異書惜我後君逢典胄不曾細雨論經畝

十年三別再相見訪我知君有素心暮景飛騰餘雪鬢師

門寥落重苔吟余與君同出東蘭夫子門硯材寶月臺邊問詩夢羚羊

峽畔尋省識故人相望意壯騁容易賦駸駸

送查九峯觀察鳳邨

當年滄海拔鯨牙降賊無煩一矢加大吏高居原幕府書

生僑服且枯查紀勞辭畧官仍顯任事才奇氣不謙彈指  
雙旌臨古汴昨來三載又京華

京華聯轡過從頻除目欣看今入秦水利結銜知導堰農  
功化俗聽吹豳樓船夢醒恬波外華嶽雲開駐馬春同歲  
愧余徒覓句

公與余同  
以戊子生

喜公樹立已嶙峋

送姚亮甫太常擢提刑秦中

金天氣肅萬峯朝影壓黃河浪不驕雪後蓮花仍照日雲  
中玉女可吹簫提封形勝尊西嶽持節威稜重漢朝誰識  
祥刑子定國平生早薄蓋寬饒

傾心愛畫復工詩不向風前感鬢絲三載交情擬陶屋一

尊離緒聽蟬時天教官局爲公補

公初任郎爲方伯

人盼清名與

世宜開府會當膺

特擢黃花晚節自襟期

送鄧麟筠同年之官秦中

領郡仙官鄧仲華前旌西指嶽蓮花詩懷同有天漿酌地利先徵陸海誇試手邊防徵上考稱心經術自儒家外臺何日從君去看取新吟護絳紗

東南鴻雁不能家岐麥猶聞汴洛誇週日封疆誰遑畧西秦形勝甲中華金穰木毀占甯驤國準山權術亦嘉唱罷渭城爲致誦盼君一丈賜高車

送倪竹泉同年旋閩次介坪韻

閭閻頻年夢戰馳平原留飲慰相思拍浮肯負金樽勸坐  
隱輝忘玉漏遲橋市憶曾題卜硯謝祠許爲補曹碑闌幽  
勵俗吾曹事合爲班荆更賦詩余拓謝文節祠欲刻魯山  
木先生所摹曹娥碑於祠  
中覓之未得今  
索付泉書之

送董琴南作郡昭通

登高能賦舊風流莫謂滇南少勝遊山水向來通蜀道鶯  
花何處認唐樓聞有唐時所建樓不知其在何  
郡也豈卽李衛公籌邊樓耶況君刻意

談經濟論古因時有訪求他日甘棠隨處種先教鴻爪話

蠻陬

送周希甫太守之大定

希甫聲名廿載前  
藏園心折筆如椽  
花開紅藥留官久  
江接青蛉領郡偏  
爲政風流傳遠道  
能詩標格過中年  
墊巾拓戟酣歌態  
惜我遲攀翰墨緣

見遲猶喜願終償  
覓句傳觥興欲狂  
山入帝城亭倚翠  
花留詩夢酒生香  
交緣文字傾心久  
道以經綸託契長  
記取題襟當贈別  
望君政績壓詞章

送黎理堂刺史

樊

撫字才兼擊斷才  
兩年報最遲君來  
仙島趨關朝聯袂

余補御史與理堂同日引見

棋局留賓夜舉杯  
已喜白丸清鷺振  
要扶

赤子上春臺  
一隅制勝全圖好  
先向江鄉笑口開

送吳東麓前輩之任

唱到驪歌始盍簪  
鸞鳳泊入新吟詞人上苑春多感循  
吏西京蹟可尋  
揮塵誰看花雨墮  
放衙獨對隴雲深  
神仙  
百事都平等  
歷劫仍存度世心

送林少穆之杭嘉湖衛任

朝來靈液播垂雲  
似報蒼生望使君  
草疏已能籌積蠹  
褰帷合解策奇勲  
胸中妙墨追千古

君精書法

帳下奇才冠一軍

陳秋勉殿撰出君門下

曾共瑣闥酬軟語  
知公判事卽論文

已卯春聞同分

校見君甲乙三百餘卷無一卷無商榷文家利病語

送王霞九侍御典試楚北兼呈許慎生侍講



黃鶴樓頭使節來仙雲應照月華開王喬許遶聯同調金

柱銀山拔異才籌國封章留紫禁傳家孝友重丹臺君

甫贈公兩世俱江鄉前輩飛騰入豈獨星軺衆望推

霜臺芸館接苔岑瑣院連床契重深已亦分校禮爐燭同

揮寒士淚傾葵交策濟時心南樓翫月分遙夢西塞乘驪

展素襟此日需才誠急務得人報國幾沉吟

送焦午橋同年領郡饒州

同宴慈恩已廿年題襟忽漫此離筵政聲能似前賢好疏

草應隨治績傳君以侍御鎖院剪燈春雨外余與君同已

部民負弩臨湖邊憐余未攬芝山勝梁月鄉雲夢自牽

九賢名字孰能齊

王梅溪州宅十二詠有九賢堂詩

領郡風流試考稽

以愛民資擘畫心緣下土示端倪錦亭花發詩應作茶竈

雲封字更題

范文正蜀錦亭陸羽茶竈饒郡勝跡也

軼事倘教傳日下底須

惆悵爲分攜

### 送家栢亭前輩出守饒州二首

手把芙蓉下玉京  
洪厓馬祖倚雲迎  
峯高廬阜留殘雪  
波暖鄱湖照晚晴  
題袂夢成千里別  
下車恩共一陽生  
江鄉佳處疎遊屐  
芝瑞聽傳輿誦聲

二千石與共斯民  
職重分符自昔聞  
詩派吾家推正字  
鄉賢公里有希文  
袖中諫草傳抄徧  
部下名流訪問勤  
喜是

門風兼後進甘棠拭目領榆枌

喜晤李春潭太守聞其述屠木齋同年英諭解弔井

洞夷民爭訟事賦長句送春潭旋太平並寄木齋

粵西巖洞莽勾連誰使獐狝罷戰鏗單騎入山雲亦靜齋

廳散井水都妍

時有議欲携兵往者春潭止之謂宜聽木齋探虛實再議因飛札與木齋木齋果解

散其此才豈合珠江老其事應同渤海傳從識萬家生佛

領隨人自結好因緣

送梅野橋大令之任靈川靈川有赤壁岩香爐山諸

勝跡乃與匡廬黃州之山名巧合野橋楚北人余

西江人也故詩中云爾野橋與余皆好奕聞李詩

盧丈爽品殊勝兼以問訊

赤壁岩吟蘇子賦香爐山憶遠公禪  
君投宦跡迴鄉夢我按圖經企靜緣  
驪唱欲催鳬舄遠楸枰閒拂燭花偏辜  
廬丈倘勤相見清簟疎簾話日邊

送黃霽青出守高州

五馬重來謁建章送君又束嶺南裝  
蓬山舊侶懷黃憲合浦新聲接孟嘗  
驛路過家紅葉外吟懷倚棹白堤傍  
信州如訪留題處定有籠紗字幾行

客裏題襟興轉豪酒樓選勝約吾曹  
湖名淨業還參佛筆夢生花欲命騷  
詩律從商教士法農工想見治民勞  
政成

太乙舟詩集

卷九

特擢尋常事同社聲名合和陶

陶雲汀中丞亦余與齊青同詩社中人也

劉味顛

企塚

明府將詣盱江言別二首

慈雲一朵化雙鳥宦海同舟誼不孤未許攀轅留杜母唯  
應擲米祝麻姑青山隔夢人同遠紅葉酣霜影亦癯翻悔  
客中過從嬾論文容易到驪駒

襦衫初拜使星前壁後招呼亦蹶然感舊空吟古知己拜

嘉爲算小行年

張文昌句憑君爲算小行年

新交夏日尋三徑故事山

陰選一錢羞澀空囊無底贈讓夷愧誦八厨賢

送汪崔亭

昆季論交共一堂携來小集字生香丹如詩思此成永薦

此官身誰得霜鴻爪春明人偶爾鳥飛赤縣事難量讀書  
率負花磚影慚愧人誇古錦囊

玉門關外舊聲名甘雨隨車過一城昔退君憐葦菜美此  
行人仰岫雲生縣中花放棊同鷗桑下童來雉不驚我有  
阿兄等治譜定應剪燭話三更

忍聽驪歌一曲終題襟匝月情匆匆燕雲西去定成兩瑤  
札北來應有鵠行過秦山懷叔度吟成吳詠詠張融閉門  
爲道陳無已興在彈棋覓句中

### 送汪芝亭

籌來身世應何策比似鰕魚味莫兼夙昔我懷連夢懶平

生公望豈耶潛棋因爭劫能持局卦解觀爻自信占記取  
飲歌入興誦故人天末韻能拈

送龔海峯先生令嗣小峯之保康

傳家循吏出儒林壯歲之官守此心掃葉功多曾校字懸  
蒲意切試彈琴提封地接西川險樂府人傳上堵吟弭盜  
安良先教養九重慰取鶴鳴陰

將歸南昌留別湯體芳明經朝茶

不成西笑又南歸水驛雲程信所之柳色青依檣燕尾桃  
花紅映酒家旗難辭親舍行千里強對驪歌盡一卮且喜  
春光來眼底泛將春艇賦春詞

兩載聯裾氣誼親不分雪夜與花辰我辭江右無吟侶君  
住淮陽是可人曲按宮商心共細散爭盧彩氣尤醇等閒  
遊戲渾難忘說到文章意倍真

住世能消墨幾螺名場一例說蹉跎李程作賦風流盡鄧  
禹笑人感慨多塵夢忽驚駒隙過吟懷暫倚醉顏酡賒錢  
十萬成雲錦好盼秋期鵲渡河

柳河亭畔幾流留燕剪輕橈屢共游冷淡生涯人共笑招  
携雲物景同幽閒中弔古憑青眼別後尋歡羨白鷗記取  
冬來認鴻爪題詩好趁酒新篘

君家醞有名予有得舉  
後携酒同遊柳河之約

乞假南歸留別京師同人



半載懷歸未得歸秋來心共鴈南飛乍因五馬還鄉并言

附雙旌出

帝畿荆樹忽成連理木家園各戀老萊衣此

行百事郎當甚竭喜鵲原願不違

時族兄竹香觀簪歸省靜山伯氏予因附之同

行

三載京華意氣真何當小別亦沾巾論文每得良朋益投  
分嘗於老輩親述禮董劉諳掌故談玄衛樂擅風神洛生  
此去爲吳詠合向關河夢故人

朔風獵獵犯征裘誰爲王孫歎滯留鄉愚不知官味好詩  
情肯助旅懷愁以非爲是臧三耳等智於愚貉一邱自笑  
平生最蕭散者番涉世悟浮休

脫身竟許覓歸巢占得同人乃在郊時竹香兄約忍俊不  
禁干茂宰自他有耀累貧交爲予辦行裝皆心坡大令情  
深冥報陶公句悟徹浮生季主及歸去停雲詩賦就魚箸  
先爲故人鈔

竹香兄待余於富莊驛余初將往保陽及聞其已行  
乃紆路從北河會及之於是驛戲成一首

欲爲東下更西遊左計原知路阻修五馬忽聞過上谷一  
鞭從與指任邱囊餘古錦空授句坐有眉峯足遺愁一笑  
世人誇捷足如君風義故難求

留別江南知友

清涼山畔唱驪歌奈此青溪柳色何文字因緣同骨肉紀  
羣交誼夢烟蘿梅抱村與令子伯言皆受業姚師而與余  
契伯言錢余於半千樓又與馬湘帆陶子  
晉同錢於崇正書院搜岩敢謂珍材少鍛翮終憐舊侶多領取平原  
留飲意啣杯能不醉顏酡